

NAMTSEV KAABNTSAAB



Hauv xov xwm no:

Tso Sab Rau Vajtswv Lub
Tswvyim
NPLOOJ 02

Lub Caij Tshab
NPLOOJ 03

Sib Raug Zoo
NPLOOJ 04

Qhuas Vaajtswv
NPLOOJ 05

Suab Lus Lug Ntawm
Cov Hluas
NPLOOJ 06

Lub Hwjchim Ntawm
Kev Thov Vaajtswv
NPLOOJ 07

Tshaaj Txuj Mhoo Zoo
Hu North Carolina
NPLOOJ 09

Kev Kawm
NPLOOJ 11

Thaum koj muaj ntau
yam xwmtxheej hau koj
lub neej, koj kev haum
Vaajtswv zoo le caag?

TSO SAB RAU VAAJTSWV LUB TSWVYIM

Tug Thawj Coj Cov Lug

Nyog zoo ib tsoom vir ncau.

Lub neej huv nplajteb, peb yuav ntsib lub sijhawm ua rau peb tsis pum hab paub txug txuj kev tom ntej, xyov yuav zoo le caag hab puas muaj kev tawm.

"Koj ca le tso sab pluav rua tus Tswv, tsis txhob vam khom koj kev txhawj ntse. Ca le leeg yuav txhuas txuj kev uas koj moog, mas nws yuav pub koj taug txuj kev ncaaj."

Pajlug 3:5-6

Yeej yog vim peb muaj tuab txuj kev xaav kuam peb paub lub ntsaab hab kev totaub lug ntawm peb teg num nqig teg ua. Txuj vajlugkub nuav qha kuam peb muaj txuj kev ntseeg Vaajtswv lub tswvyim, tsis txhob ca sab rua qhov peb paub hav nkaagsab. Nuav yog qhov peb ua hum qhov tseeb:

Ntseeg taagnhro koj lub sab.

Muaj kev ntseeg tus Tswv taagnhro koj lub sab txhais ha tas tso pluav txuj kev ntshai hab poob sab, muab koj tus kheej kev ntseeg taagnhro tso rua nwg. Qhov nuav yog kev ntseeg tas tug Tswv lub hom pham tswvyim yeej tsua muaj zoo xwb, hab nwg yog tus coj peb kev ua neej. Thaum peb muaj ntau yam kev xaav los si peb kev tw, ncu tsoov Vaajtswv lub tswvyim yog qhov fwtshaaj.

Leeg paub Vaajtswv lub tswvyim.

Tsis txhob ca sab rua peb txuj kev txawj ntse, ca peb nra lawv nraim le Vaajtswv tug yaamntxwv. Qhov nuav txhaj qheb kev rua Vaajtswv lug paab coj peb hauv kev rua txhua yaam peb xaav hab nqis teg ua.

Muab koj tugkheej tso nrug nwg kev npaj.

Yog peb xaav ua lub neej nrug txuj kev thajyeeb huv Vaajtswv, peb yuav tsum ua txhua yam kuam lawv le nwg lub hom phaj. Muaj qee zaus nwg txuj kev cob qha txawv dlua qhov peb xaav, tabsis ntseeg ruaj khov huv nwg txhais tas moog ncaaj nraim le nwg tau npaaj tseg rua peb.

Ncu ntsoov: Vaajtswv yog tug paab peb, nws yog tug muaj txhab zoo hab muaj txuj kev hlub kawg nkaus. Ntseeg nws nrug taagnrho peb lub sab vim nwg tau cog lug tseg tas nws yuav coj peb txuj hauv kev.

Huv nwg txuj kev hlub,

Naysua Chervunfong

(N. Ascaas Jeuyer)



LUB CAIJ TSHAB

Lub caij huab cua hloov yog lub sijhawm rua peb hloov peb txuj kev xaav, hab ca le zoo sab tog txhais yam kws Vaajtswv pub. Muaj qee lub sijhawm peb tos saib ntsoov tus Tswv, tabsi, lub caij nyoog nuav yog Vaajtswv xaav kuam peb paub npaaj moog ua ntej. Yog peb lawv le nwg txuj lug qha, nws tej txujci yeej lawv nraim nrug peb moog.

Txhua lub caij nyoog tshab yog lub sijhawm peb ua sab luj moog qhauj ruam tom ntej; qhov ntawv pib lub ntawm txuj kev ntseeg. Vaajtswv tsis yog xaiv tus neeg uas ua txhua yam zoo taagnrho, tabsi nws ntsaws tus neeg ua muaj lub sab nsteeg nwg txuj kev hab hom phaj. Ntseeg tus Tswv lub sijhawm hab nwwg tej lug cog tseg.

Tsis txhob poob sab. Ca le moog vim tug Tswv nrug nraim koj txhua txuj kev. Koj yog tus neeg tseem ceeb rua txuj kev koj taug.

Tsis txhob muaj kev txhawj xeeb rua yav tom koj hauv ntej, tug Tswv twb xub moog ua koj ntej lawm.

“Muaj caij muaj nyoog rua txhua yam, muaj sijhawm rua txhua yam ua tshw los huv lub qabntuj.”

Lajlim Tswvyim 3:1



SIB RAUG ZOO

Kev sib raug zoo tub tshaaj lug sib koom uake. Peb sib raug zoo yog txuj kev lug sib qha txug peb lub neej, txujkev ntseeg hab txujkev hlub rua lwm tug kws ntseeg. Peb cov ua yog pojniam, yuav tsum lug sib koom teg txhawb nqa, hawm Vaajtswv, hab muaj txujkev sib pab ib yam le viv ncauf huv txujkev ntseeg Tswv Yexus. Phaus vajlugkub qha tseg huv Henplais 10:24-25,

“Peb ca le ua tuab zoo saib yuav ua le caag ib leeg txhaj txhawb tau ib leeg lub zug kom sib hlub hab ua haujlwm zoo, hab tsis txhob tso tseg qhov ua tuaj txoos uake yam le qee leej txeev tseg, tabsi ib leeg yuav tsum txhawb ib leeg lub sab, hab yim huab yuav tsum ua tej no vim mej paub tas hnuv uas teem ca lug ze lawm.”

Lajlim Tswvyim 4: 9-10 qha ntxiv tas,

“Ob leeg zoo dlua ib leeg rua qho ob leeg yuav tau nqe zug zoo ntawm tej haujlwm uas ob tug ua. Rua qhov yog ib tug ntog yuav muaj ib tug tsa kuam nwg sawv. Tabsi tus ua nyob tibleeg thaum nwg ntog lawm tsis muaj leej twg tsa nwg sawv yuav raug txomnyem lauj.”

Txuj kev sib raug zoo pab peb lug nyob ze tug Tswv hab ze cov nyob ib puag cig peb. Peb sib txhawb sib pab ib leeg, nyob ruaj huv tug Tswv hab muaj txuj kev hlub pub npo.

Peb zoo sab koj tau koom nrug peb kev sib raug zoo nam tsev hab nam tsev Yexus hlub hauv paug nrab. Ntsib koj huv North Carolina sai tom ntej no.





QHUAS VAAJTSWV

Thaum koobmhoov dlws lug- yam le lub suab menyuam zoo sab, kev nom haus zoo, hab kev sib raug zoo ntawm cov neeg ib puag cig -kev qhuas Vaajtswv lug yoojyim heev yam le peb ib txwm fwm nwg. Huv txuj kev zoo sab, peb muab lub sab ris txaj ntsig hab ua nwg tsaug rua nwg kev muab hab taabncuab.

Tabsi thaum peb muaj kev nyuaj sab neb? Thaum muaj kev txawv txav- kev mob nkeeg, nyaj txag poob, los si kev nyuaj sab txhuv plawv- kev qhuas Vaajtswv yog qhov kawg kws peb xaav txug. Txawm le ntawv los, cu tsoov tas lub sijhawm ntawv yog zoo caij nyoog qhuas tus Tswv. Ntawv Nkauj 34:1 qha tseg, "Kuv yuav qhuas tus Tswv txhua lub sijhawm. lub cauj yuav naj hnuv txhawb nqa nwg."

Yog le ntawv, txawm koj yuav zoo le caag hnuv no- nrug kev zoo sab ti tej roob hav los si poob nrug kev nyuaj sab huv hav- ca txuj kev qhuas tuav koj ruaj khov.

Npaj koj lub sab puv npo nrug kev muab hab txhawb nqa rua txhua yam nwg tau ua, hab txhua yam kws yuav lug tom ntej.

Qhuas Vaajtswv thaum koj sawv.

Qhuas Vaajtswv thaum nwg teb koj cov lug thov.

Qhuas Vaajtswv lub sijhawm koj muaj kev kaaj sab hab zoo sab.

Qhuas Vaajtswv thaum koj muaj kev txhawj xeeb hab tsis nkaag sab.



Qhuas Vaajtswv rua nwg txuj kev hlub kws tsis xwm yeem.

Qhuas Vaajtswv rua nwg kev hlub tshua hab taabncuab.

Qhuas Vaajtswv vim nwg muab kev rua koj cev nqaj tawv, tus ntsujplig hab koj txujkev xaav.

Tabmeeg qhuas Vaajtswv!



CHEACHAR

"Kev Tau Hu Suab Paj Nruag Hab Kev Ntseeg:

21 Xyoob Muaj Kev Zoo Sab Nyob Hu Vaajtswv Txuj Koob Mhoob'



Kuv lub npe hu ua Tshiab Tshab Txawjvaag Koo. Kuv muaj nees nkaum ib xyoo rau Hlis Xyamvab, vas tig ib, ob txhiab nees nkaum plaub. Kuv tau txais koob hmoov zoo kawg nkaus lug ntawm Vaajtswv txuj kev hlub, feem ntau yog lug ntawm lub txaj ntsim ntawm lub suab nkauj, uas kuv txiv, Accasn Peevxwm Txawjvaag Koo coj hab txhawb kuv.

Txij thaum yau, kuv mloog tau tas lub suab nkauj ib txwj nyob hu kuv—mas muaj qee zaum zoo le twb xub paub lub suab ua ntej kuv yug. Txawm tas kuv neuc tsis tau txhua yam ua ntej ntawm los, kuv neuc tau lub suab nkauj. Thaum kuv muaj plaub xyoo, kuv nrug kuv nam kuv txiv moog xyum nkauj pem tshawj, ntawm yog thawj zaug ua kuv ntaus koos, ua lub suab paj nruab nrug txujkev zoo sab ntawm ib tug menyuam. Mas ua rau kuv zoo sab kawg le.

Nyob rau huv tsev kawm ntawv, kuv ntshaw hab xav connect nrug lub suab paj nruab heev, kuv txhaj le moog kawv lub guitar hab piano. Kuv neuc tas kuv tau thov Vaajtswv has tas, *"Tus Tswv Yexus, thov Koj tsis txhob ca kuv ua rau kuv txiv poob ntsej muag. Vim kuv txiv nwg kee heev."* Tabsis zoo rau qhov, kuv muaj pob ntseg music txhaj mloog tau lub suab paj nruag, es kuv txhaj khaws tau sai sai Yeej vim yog kev txhawb nqa ntawm kuv nam kuv txiv hab txujkev mob sab kawv, kuv txhaj le nce qib..

Thaum kuv luj hlub, kuv txhaj le koom UCLE Sacramento Church Worship Team hab tau kawm nkauj tshwj xeeb qhuas Vaajtswv. Kuv muaj hmoov vim nyob ib puag ncig kuv muaj cov kws txhawv ntaus nkauj, hab coj kuv pe hawm. Lub suab music tsis yog ntaus nkauj kuam roj suab xwb, tabsis kuam txuas tau nrug tug Tswv Yexus, txhawb nqa Nwg hab nyob huv Nwg txujkev hlub uas muaj rau kuv. Tam sim nuav kuv muaj nees nkaum ib xyoo, kuv yeej tseem tsis tau tshaj lij, tabsis kuv yuav rau sab kawv music txuas ntxiv moog. Kuv yuav rau sab ua Vaajtswv dlej num ntawm lub sab tu, hu nkauj hab pe hawm, ntseeg hab tso sab pluav rau tug Tswv, cas Nwg coj kuv txhua txujkev.



LUB
FWJCHIM
FIM
VAAJTSWV

“Tej lus thov hab fim Vaajtsww lug ntawm tus tuabneeg kws ncaaj nceeg muaj
fwjchim ua tau tav.”

Yakaunpaus 5:16





*“Ca le zoo sab xyiv
fab txhua lub sijhawm.
Thov Vaajtswv tsis tu
ncua. Ua Vaajtswv
tsaug rua txhua yam,
vim qhov no yog raws
le Vaajtswv lub sab
nyaj rua cov nyob huv
Yexus khetos.”*

WMD & WJLO MISSIONARY TRIP

9:00 AM - 2:00 PM



Saturday, October 5th

UCLE North Carolina Church

2198 Tipps Road

Hickory, NC 28602

Sunday, October 6th

UCLE Eastern Church

5458 Van Horn Road

Connelly Springs, NC 28612



BRIGHT DAY

DONATE HERE



Koom tes ua ke hlub Vaajtswv ib iug Tubkhais!

Tsoom Phooj Ywg,

Thaum twg kws peb hlub hab pab Vaajtswv ib tug tubkhais ces yog peb ua koom hab fwm Vaajtswv lawm. Vaajtswv cov tubkhais nuas tau paab koj lub neej txujsa lug le cag lawm. Ua le nua koj puas tau qha koj txujkev hlub hab fwm nwg rua nwg paub?

“Txawm yog koj tau pub ib khob dlej txag rua Vaajtswv cov tubkhais nuas xwb los, koj twb tau txais koob mhoov rua saum ntuj lawm.”

Matthais 10:42

LINKED LEARNING

Kawm Ntawv Mhoob Qeb Siab

Ntawv Nyiakeng Puachue Mhoob kev sau ntawv txhim kho Mhoob cov lus qhia los ntawm kev siv homophones. Homophones, losis, Lus Tshooj Fab yog lug mhoob ua hais ib lub suab, tab sis sau txawv, thiab muaj lub ntsiab lus txawv. Cov txheej txheem no txhawb cov lus Mhoob thiab ua rau peb kev sib txuas lus meej thiab nkag siab zoo. Ntawv Nyiakeng Puachue txhawb cov lus Mhoob rau peb tagrho.

Cia peb kawm, sau ntawv Mhoob Nyiakeng Puachue, thiab tshawb txob lub ntsiab lus rau los lus "nyiaj."

Ntawv Mhoob	Ntawv Mhoob Qeb Siab	Los Lus Txhais
Nyiaj	ᨧᩢ᩠ᨦᩉ᩠ᩅᩁᩣ᩠ᨦ	Lub Npe
nyiaj	ᨧᩢ᩠ᨦ	Ua siab ntev
nyiaj	ᨧᩢ᩠ᨦᩉ᩠ᩅᩁᩣ᩠ᨦᩉ᩠ᩅᩁᩣ᩠ᨦ	Tus nqis nyiaj (piv txwv: \$1, \$200)
nyiaj	ᨧᩢ᩠ᨦᩉ᩠ᩅᩁᩣ᩠ᨦᩉ᩠ᩅᩁᩣ᩠ᨦ	Nyiaj txiaj kov tau (piv txwv: Tooj nyiaj, npib, ntawv nyiaj)

ᨧᩢ᩠ᨦᩉ᩠ᩅᩁᩣ᩠ᨦ!

[Yog koj xaav kawm Ntawv Mhoob Qeb Siab, lug saib tau ntawv mhoob](#)
www.mhongilc.com

SUBSCRIBE TO THESE CHANNELS



[@xibfwbtawjvaag8854](#)

[@tialeeuclministry6874](#)

VISIT OUR WEBSITE

uclewmd.org

Tivtauj peb: Nam Tsev Kaabntsaab Hauv Paug Nraab | P.O. Box 15355 | Fresno, CA 93702

General Email: wmd.uclemainoffice@gmail.com

Nam Tsev Hauv Paug Nrab ob tug tuav nyaj: Maicheng hab Katrina

